

جریده علیہ

مشتبہ جلد اسلامیکہ جرمہ رسمیه

۲۳ جادی الاخری ۱۳۳۸ و ۱۵ مارت ۱۳۳۶

عدد ۵۶

اون بش کونده بر نشر اولنور

بشقی سنه

خط هایون



« وزیر معالیسمیرم صالح پاشا »

« علی رضا پاشا قاینه سنک وقوع استعفا سنک و سزک درکار اولان رویت و حیثیت کزده »
« بناء مسند صدارت رتبه سامیه وزارت و مشیری ایله عهده استیالک کزده توجیه و مشیخت »
« اسلامیه دخی حیدری زاده ابراهیم افندی عهده سنده ابقا و تقریر قلمشدر قانون اساسینک »
« یکبرمی یدنجی ماده سی احکامنه توفیقاً تشکیل ایلدیک کزده هیئت جدید و کلا تصدیق کزده »
« اقتران ایتشدر امل یکانهم موروث اجدادم اولان دولتک تأمین وحدت و سلامتندن »
« عبارت اولوب بتون افراد ملتک ده عین حسن ایله متحس اوله رق منافع عالی و وطنیه یی »
« محافظه ایچون تحت سلطنت و خلافت اطرافنده مجتمع و متحد بولنه جقلری مجزوم »
« اولدیغندن رفقای مساعیکزله بالاتفاق بوغایه یی استحصاله عزم و متانت و اعتدال و بصیرتله »
« صرف مقدور ایدرک حقوق مشروع و عسنی مدافعه یه عازم و اساسات اداریه سی عدالت »
« و حقایق دستور لرینه و ایجابات عصریه یه توفیقاً صورت جدید و اصلاحه قادر بر ملت »
« متحده و متمدنه اولدیغمیزی انظار عامه ده فعلاً اثبات ایلیمک کزده حیت وطنیه کزدن »

«منتظر در همان جناب قادر مطلق توفیقات سبحانه سنه مظهر بیورسون آمین بحرمه»
«سید المرسلین» ۱۷ جمادی الاخره ۱۳۳۸ ۸ مارت ۱۳۳۶

محمد وحید الدین

تقریر صدارت

خط هایون

«مرحومہ اجراسی»

محمد وحید الدین

بحریہ نظارتی	طرف بندکانه مدن وکالة
خارجیہ نظارتیہ	ناظر سابق صفا بك
داخلیہ	» حازم بك
حربیہ	» فوزی پاشا
معارف	» شورای دولت ریاستی وکالتی انضمامیله اعیانن عبدالرحمن شرف بك
عدلیہ	» شورای دولت ملکیہ دائرہ سی رئیس ثانسی جلال بك
اوقاف هایون	» شیخ الاسلام اسبق عمر خلوصی افندی
نافعہ	» مالیہ نظارتی وکالتی انضمامیله اعیانن توفیق بك
تجارت ووزراعت	» دفتر خاقانی امینی ضیا بك

تشکیلی عہدہ بندکانه حوالہ بیوریلان ہیئت جدیدہ وکلا اسمیسی بالادہ عرض اولنان ذواتدن تشکل ایتمش اولمغلہ رھین تصدیق عالی جناب تاجداریلری اولہرق اشبو تقریر عاجزانہ مک بالاسی خط هایون حضرت خلافتناھیلری ایلہ توشیح بیورلدینی خالدہ مشار الیہمک مأموریتلری اجرا واعلان اولنہ جنفی محاطعلم عالی جناب پادشاھیلری بیورلدقدہ قطبہ احوالہ امر و فرمان حضرت ولی الامر افندمن کدر .

۱۷ جمادی الاخرہ ۱۳۳۸ ۸ مارت ۱۳۳۶

صدراعظم قولاری

صالح خلوصی

بن دلاور

فتاویٰ شریفہ

تجدید ایمان و نکاح

زید مسلم عمرو مسلمہ و برہ دین و ایمان فلان ایتدیکم، دیو جماع لفظیلہ شتم ایلسہ زیدہ تجدید ایمان و نکاح و تعزیر اولنقی لازم اولورمی الجواب اولور.

*
**

تجهیز و تکفین

هند غنیہ فوت اولدقده تجهیز و تکفینی کندی مالندن اولیوب زوجی زید اوزرینہ لازم اولورمی الجواب اولور.

*
**

نکاح

هندک زوجی زیددن اولان اوغل عمرو هندک زوج آخری بکرك زوجة اخراسی زیددن اولان قزی خدیجی تروج ایتک جائز اولورمی الجواب اولور.

*
**

زید زوجة موطوئسی هندک زوج آخردن اولان قزی زینی تروج ایتک جائز اولورمی الجواب اولماز.

*
**

هندک زوجی زید آخر دیارده ایکن زیدک فوتی شایع اولقله هند بعد انقضاء العدة نفسی عمروه تروج ایدوب عمرو دخی هندی وطی ایتدکن مسکره زید حیا کلوب هندی عمرودن تفریق ایتدرسه هندک عدتی منقضیه اولمدین زید هندی وطی ایتک جائز اولورمی الجواب اولماز.

*
**

رضاع

زیدک زوجہ سی هند زیددن اولان سود ایله عمروک قزی زینی مدت رضاعده ارضاع ایتدکدن مسکره زید فوت اولوب هند نفسی بکره تروج ایلسه بکرك قرنداشی بشر زینی تروج ایتک جائز اولورمی الجواب اولور.

*
**

طلاق

زید زوجہ سی ہندہ سندہ علاقہ وارتباطم یوقدر دیوب طلاق نیت ایلسہ ہند مبانہ
اولورمی الجواب اولور .

* *

زید زوجہ مدخول بہاسی ہندی بائنا تطلیق ایتد کد نکھرہ عدتی ایچندہ ہندہ اوچ
طلاق بوش اول دیسہ ہند اوچ طلاق بوش اولورمی الجواب اولور .

* *

زید فلان فعلی ایشلرسم عورتم اوچ طلاق بوش اولسون دید کد نکھرہ زید اول فعلی
ایشلمدین زوجہ سی ہندی بر طلاق ایلہ تطلیق ایدوب عدتی منقضیہ اولد کد نکھرہ زید
اول فعلی ایشلیوب بعدہ ہندی تزوج ایلسہ زید اول فعلی ینہ ایشلیجک شرط مزبورہ
بناء ہند زیددن اوچ طلاق بوش اولورمی الجواب اولماز .

کتبہ الفقیر الیہ تعالیٰ ابراہیم الحیدری
عفی عنہ



توجیہات علمیہ

اسپارطہ سنجانی مفتیلکنہ مفتی سابق محمد شاگر افندی و سیواس ولایتی مرکز
مفتیلکنہ مفتی سابق عبدالرؤف افندی ابقاء و کردہ مفتیلکنہ حافظ رضا افندیلر تعیین
اولنشلردر .

مرکزہ :

مأمورین قلمی کتبہ سندن جلال افندینک اعاشہ مدیریتی قلمی برنجی صنف کتابتہ
ویرینہ مدیریت مذکورہ برنجی صنف کتبہ سندن سلیمان صائم بکک نقلماری اجرا وفخری
ملازم جلال و صدرالدین افندیلر موظف ملازم تعیین ایدلشلردر .
درس وکالتی کتبہ سندن بولیلی محمد افندینک ہیئت تفتیشیہ برنجی صنف کتابتہ نقلیہ
یرینہ ایکنجی صنف کتابتہ مدرسة القضاة مأذونلردن علی حکمت افندی تعیین قلمنشلردر .

